



TEKS UCAPAN

YBRS. TUAN SULIMAN BIN ABD RAHMAN A.M.S., P.P.T.

YANG DIPERTUA, MPS

DI MESYUARAT MAJLIS MPS BIL. 1/2019

30 JANUARI 2019, RABU

09:00 PAGI DI BILIK SIANTAN

Assalamualaikum wbkt & selamat pagi diucapkan

Yang Berusaha Tuan Haji Azhar Bin Samsuri

Penolong Setiausaha Majlis Perbandaran Selayang

Yang Amat Dihormati Tan Sri Dato' Paduka Raja Dato' Hj

Wan Mahmood Pa' Wan Teh

Orang Kaya Maha Bijaya, Orang Besar Daerah Gombak

Yang dihormati Ahli-Ahli Majlis,

Para pengarah jabatan,

Pihak media, tuan-tuan dan puan-puan sekalian

Bersyukur kita ke hadrat Allah SWT yang telah melimpahkan rahmat dan hidayahnya untuk kita mengadakan mesyuarat majlis MPS **Bil.1/2019 bagi bulan Januari** pada pagi yang berbahagia ini.

UCAPAN SEMPENA TAHUN BARU 2018

1. Bersyukur ke hadrat ilahi kerana kita dikurniakan umur yang panjang dan kesihatan yang sejahtera untuk melangkah ke tahun baru ini. Di sepanjang tahun 2018 lalu, banyak pengalaman, cabaran dan dugaan telah kita dilalui. MPS juga telah melangkah jauh untuk meneruskan agenda yang telah ditetapkan.
2. Kesungguhan semua pihak dalam memastikan penyampaian perkhidmatan juga berada di tahap cemerlang sebagai teras utama dan telah membuahkan hasil. Saya ingin mengambil kesempatan ini untuk mengucapkan tahniah kepada semua jabatan, bahagian dan unit serta

Ahli-ahli Majlis di atas kejayaan-kejayaan yang dicapai pada tahun lalu.

3. Sempena dengan sambutan tahun baru ini, diharapkan pelbagai azam baru digarap demi untuk kepentingan bersama, agama, bangsa dan tanah air. Sehubungan dengan itu, sebagai peneraju utama yang diamanahkan untuk mentadbir Majlis Pebandaran Selayang (MPS) ini, saya berazam dan berhasrat untuk melaksanakan lebih banyak perubahan demi untuk membina MPS yang lebih gemilang dari segi struktur organisasi sehinggalah kepada sistem perkhidmatan masyarakat.
4. Oleh itu, walaupun telah masuk satu bulan, saya kira masih belum terlewat untuk saya mengucapkan Selamat Menyambut Tahun Baru 2019. Semoga segala usaha yang telah kita laksanakan pada tahun sebelumnya diberkati oleh Allah SWT dan usaha yang bakal kita laksanakan akan

dirahmati serta mencapai kejayaan sebagaimana yang diharapkan.

5. Sesungguhnya yang baik itu datangnya dari taufiq dan hidayah Allah SWT dan yang kurang itu adalah zahir dari kelemahan sifat hamba yang ada pada diri kita. Justeru, sama-samalah kita memberikan yang terbaik dalam penghasilan kerja kita agar perkhidmatan perbandaran MPS menjadi lebih mampan, progresif dan sejahtera.

MERAFAK SEMBAH YANG DIPERTUAN - AGONG KE 16

6. Saya juga ingin mengambil kesempatan di sini untuk merafak sembah salam ucapan setinggi-tinggi tahniah di atas pelantikan Kebawah Duli Yang Maha Mulia Sultan Pahang Al-Sultan Abdullah Ri'ayatuddin Al-Mustafa Billah Shah Ibni Sultan Haji Ahmad Shah Al-Musta'in Billah Sebagai Yang Dipertuan Agong ke 16.

PRESTASI SEMASA KUTIPAN CUKAI TAKSIRAN

7. Untuk makluman, sehingga 31 Disember 2018, MPS berjaya mengutip cukai taksiran semasa 2018 sebanyak RM 94.36 juta (94.36%) daripada RM 100 juta.
8. Untuk kutipan tunggakan cukai taksiran pula, sebanyak RM 9.06 juta (75.5%) berjaya dikutip daripada jumlah tunggakan keseluruhan sebanyak RM 12 juta.
9. MPS telah mengeluarkan waran tahanan bagi pemilik yang mempunyai tunggakan RM 200.00 ke atas bermula 1 Oktober 2018. Sebanyak 23,337 keping waran telah dikeluarkan dan sehingga 31 Disember 2018, semua waran telah selesai dihantar.
10. Bagi pemilik / penduduk yang masih gagal menjelaskan tunggakan cukai taksiran selepas 7 hari waran diserahkan, MPS akan melaksanakan tindakan sitaan apa jua harta alih di dalam premis tersebut dan operasi ini akan dijalankan setiap minggu.

11. Orang ramai adalah diingatkan supaya menjelaskan tunggakan cukai taksiran bagi mengelakkan tindakan sitaan dan lelongan diambil ke atas harta alih dan pegangan tanah kosong masing-masing.
12. Kepada pemilik yang ingin menjelaskan tunggakan cukai taksiran, pemilik layak diberi pertimbangan pengurangan waran tahanan bagi bayaran secara penuh atau ansuran. Maklumat mengenai kelayakan pengurangan boleh diperolehi di kaunter bayaran cukai taksiran MPS.
13. MPS telah mengeluarkan bil cukai taksiran penggal 1/2019 pada 30 November 2018. Tarikh akhir bagi pembayaran bil penggal 1/2019 adalah pada 28 Februari 2019.

YAD, DATO, TUAN-TUAN DAN PUAN-PUAN,

'REWARD' KESELURUHAN MPS TAHUN 2018

14. Untuk makluman, MPS telah memperolehi prestasi pendapatan mengikut Kumpulan Meningkatkan Hasil

berdasarkan Sistem 'Reward' tahun 2018. Dan pada tahun ini, MPS telah berjaya mendapat kutipan sebanyak RM 182.78 juta dengan mencapai pendapatan melebihi 106%

15. Berdasarkan pencapaian tersebut, semua staf dan Ahli Majlis akan diberikan insentif/ saguhati RM 500.00 seorang dan bayaran dibuat pada 31 Januari 2019.
16. Sekalung tahniah diucapkan kepada semua yang terlibat yang bertungkus lumus dalam mencapai sasaran bagi tahun 2018.

BENGKEL PENINGKATAN HASIL

17. Untuk makluman juga semua juga, MPS akan mengadakan bengkel peningkatan hasil MPS bagi tahun 2019 bermula 11 hingga 14 Februari 2019.
18. Bengkel yang akan melibatkan semua pengarah jabatan ini akan melihat semula prestasi kutipan hasil bagi tahun 2018 dan mengumpulkan imput serta cadangan bagi meningkatkan hasil untuk tahun 2019.

SAMBUTAN HARI THAIPUSAM 2019

19. Seperti semua sedia maklum, setiap tahun perayaan Thaipusam diadakan di Kuil Batu Caves yang menjadi tumpuan penganut Hindu serta pelancong dari seluruh dunia. Dan pada tahun ini, Sambutan Thaipusam sekali lagi telah diadakan pada 20 Januari 2019.
20. Bagi persiapan menghadapi pengunjung-pengunjung yang ramai ke Batu Caves, MPS memberi fokus kepada pengurusan sisa pepejal dan juga keselamatan.
21. Seramai 40 orang staf Jabatan Pengurusan Sisa Pepejal dan Kesihatan MPS terlibat dalam kerja pembersihan di Kuil Batu Caves dan dianggarkan sebanyak RM 150, 00.00 telah dibelanjakan bagi kos pembersihan sepanjang 10 hari ini.
22. Dari segi penguatkuasaan dan keselamatan juga, seramai 24 orang kakitangan penguatkuasa dan

keselamatan telah ditugaskan untuk memastikan tiada kacau ganggu yang berlaku sepanjang perayaan Thaipusam berlangsung.

23. Terima kasih diucapkan kepada semua jabatan yang terlibat semasa berlangsungnya Majlis Sambutan Thaipusam ini.

YAD, Dato, Tuan-Tuan dan Puan-Puan,

**PROGRAM KEBUN KOMUNITI DAN PERTANDINGAN
EDIBLE GARDEN 2018**

24. Baru-baru ini, pada 26 Januari 2019, Majlis Perbandaran Selayang (MPS) telah menganjurkan Majlis Pelancaran Program Kebun Komuniti dan Pertandingan Edible Garden 2018 peringkat Majlis Perbandaran Selayang di Dewan MPKK Kg Sungai Tua Baharu.

25. Disini saya ingin mengucapkan syabas dan tahniah kepada pemenang iatu :

A. KEBUN KOMUNITI TERBAIK 2018

BIL	KETERANGAN	SENARAI PEMENANG	JUMLAH
1.	Tempat Pertama	JKP ZON 6 Tuan Amir Fazlee bin Khalid Kebun Komuniti Kg. Sg. Tua Baharu	RM 3,000.00
2.	Tempat Kedua	JKP ZON 10 Tuan Wan Anwar bin Wan Ibrahim Kebun Komuniti Pangsapuri Selayang Mulia	RM 2,000.00
3.	Tempat Ketiga	JKP ZON 3 Puan Anfaal binti Saari Kebun Komuniti Dewan Taman Gombak	RM 1,000.00
4.	Saguhati	1) JKP ZON 11 Tuan Mohd Kassim bin Packiry Kebun Komuniti Taman Pinggiran Templer 2) JKP ZON 13 Puan Tam Kar Lye Kebun Komuniti Taman Daya Jalan 26	RM 500.00 RM 500.00

26. Saya harap pengerusi setiap zon dapat mengekalkan momentum seperti ini untuk menghijaukan zon masing-masing agar hasrat MPS untuk menjadi Kawasan Taman Dalam Bandar dapat dicapai.

PROGRAM PAGI TANPA KENDERAAN PERINGKAT MPS 2019

Untuk makluman, MPS akan menganjurkan Program Pagi Tanpa Kenderaan yang akan berlangsung di Dataran Ilmu Bandar Baru Selayang. Pelbagai aturcara telahpun dirancang antaranya Larian Fun Run, aktiviti senaman aerobik dan pelbagai lagi aktiviti menarik.

Di sini saya ingin mengambil kesempatan untuk mengundang semua ahli majlis dan rakan-rakan media untuk hadir pada Majlis Perasmian pada 23 Februari 2019 jam 7.30 pagi di Dataran Ilmu, Bandar baru Selayang.

UCAPAN SELAMAT TAHUN BAHARU CINA

Akhir sekali saya ingin mengambil kesempatan ini untuk mengucapkan Selamat Tahun Baru Cina kepada semua Ahli Majlis yang bakal menyambut Tahun Baharu Cina pada minggu hadapan. Semoga sambutan tahun ini akan

mebawa kemakmuran, kegembiraan dan kebahagiaan kepada anda semua dan keluarga.

Sekian, Assalamualaikum dan terima kasih.